

Susret visokog predstavnika i specijalnog predstavnika EU Miroslava Lajčáka sa predsjednikom Slovačke Ivanom Gašparovičem



Visoki predstavnik i specijalni predstavnik EU, Miroslav Lajčák, sastao se danas u Sarajevu sa predsjednikom Slovačke Ivanom Gašparovičem. Tokom susreta, Miroslav Lajčák upoznao je predsjednika Gašparoviča sa političkom situacijom u BiH, te onim što je Bosna i Hercegovina do sada ostvarila na putu euro-atlantskih integracija. Kao najveće uspjehe istakao je potpisivanje Sporazuma o stabilizaciji i pridruživanju, te Intenzivirani dijalog, dosegnut u sklopu NATO Programa partnerstvo za mir.

Govoreći o sporazumu od 8. novembra, koji je potpisan u Prudu, Lajčák je kao najveću dobit za Bosnu i Hercegovinu istakao to da će dogovorene reforme, ukoliko se provedu, biti snažan korak u pravcu deblokiranja reformskih procesa. Također je ukazao na to da će stepen uspjeha provedbe sporazuma iz Pruda biti jasan pokazatelj spremnosti BiH da odgovori na izazove procesa integracije u EU.

Visoki predstavnik i specijalni predstavnik EU, Miroslav Lajčák, i predsjednik Slovačke, Ivan Gašparovič, složili su se da je put euro-atlantskih integracija jedini pravi put za

Bosnu i Hercegovinu. Također je zajednički istaknuto da je krajnji cilj koji međunarodna zajednica želi postići sasvim jasan – Bosna i Hercegovina kao mirna, održiva zemlja koja nezaustavljivo napreduje na putu evropske integracije. Građani Bosne i Hercegovine moraju biti potpuno uvjereni da je međunarodna zajednica tu da pomogne i da će uz Bosnu i Hercegovinu ostati sve do kraja njenog evropskog puta.